

आकाशवाणीखबरां

1. भारत ते जपान रक्षा सांझेदारी गी होर डूंगा करने पर सहमत न। समुंद्री सुरक्षा सहयोग कन्नै जुडी दी बवस्था ज्ञापन पर दस्तखत कीते।
2. गृह मंत्री अमित शाह होरें कोबलम तमिलनाडू च अंतर राज्य विवादें, सुरक्षा ते विकास कन्नै जुडे दे मुद्दे पर चर्चा लेई 21मीं दक्खनी जोनल काउंसल दी बैठक दी अध्यक्षता कीती।
3. भारत-सिंगापुर मंत्रिमंडलीय गोलमेज बैठक सिंगापुर च आयोजित होई तां जे सेमीकंडक्टर ते साइबर सुरक्षा सने रणनीतिक क्षेत्रें च दक्खिया सहयोग गी निगार कीता जाई सकै।
4. बंगलादेश राष्ट्रवादी पार्टी दे दिग्गज नेता मिर्जा फखरूल इस्लाम आलमगीर अज्ज मुख् दे 23में राष्ट्रपति दे तौर पर चुने गो।
5. ते ट्रीसा जाली ते गायत्री गोपीचंद BWF World Championship दे महिलाएं दे डबल क्वार्टर फाइनल च दाखल होइयां।

<><><><><><>

India-Japan

भारत जपान रक्षा मंत्रिणं दी बैठक अज्ज नमीं दिल्ली होई। रक्षा मंत्री राजनाथ सिंह ते उंदे जपानी समकक्ष शिनजिरी कोईजुमी होरें इस बैठक दी सहअध्यक्षता कीती। इस चर्चा च समुंद्री सुरक्षा गी गहरा करने, मेक इन इंडिया रक्षा तकनीक ते रणनीतिक भरोसे गी बधाने पर जोर दित्ता गेआ। दौनें नेताएं समुंद्री सुरक्षा सहयोग बारे इक बवस्था ज्ञापन पर दस्तखत कीते।

<><><><><><>

HM South Zonal Council

केंद्री गृह मंत्री अमित शाह हुंदी प्रधानता च 31मीं दक्खनी जोनल काउंसल दी बैठक ममल्लापुरम दे कश कोवलम च शुरू होई जित्थे दक्खनी राज्यें दे नेताएं ते सीनियर अधिकारिणं अंतर राज्य विवादें, सुरक्षा ते विकास प्राथमिकताएं बारे चर्चा कीती। तमिलनाडू दे मुख्मंत्री जोसफ विनय, कर्नाटक मुख्मंत्री डी.के शिव कुमार, केरलम दे मुख्मंत्री सथीसन, तेलंगाना ते उपमुख्मंत्री मल्लू भट्टी विक्रम मार्का, आंध्र प्रदेश दे मुख्मंत्री चंद्र बाबू नायडू ते पुदुचेरी दे उपराज्यपाल अंडमान निकोबार द्वीपें दे उपराज्यपाल, लक्षदीप दे प्रशासक ते बक्ख-बक्ख मंत्रालयें दे आला अधिकारिणं हिस्सा लैता।

<><><><><><>

Shivraj PM Awas

केंद्री ग्रामीण विकास मंत्री शिवराज सिंह चौहान होरें अज्ज पटना च प्रधानमंत्री आवास योजना ग्रामीण तैहत बने दे 2 लक्ख 35 जहार घरें दी चाबी लाभार्थिणं गी सौंपी। बापू सभागार च आयोजित इक कार्यक्रम च श्री चौहान होरें नमें चुने गेदे लाभार्थिणं च मंजूरी पत्र बी बंडे। इस मौके पर मुख्मंत्री समार्ट चौधरी, उपमुख्मंत्री विजय कुमार चौधरी, बिजेंद्र प्रसाद यादव ते ग्रामीण विकास मंत्री श्रवण कुमार होर बी मौजूद हे।

<><><><><><>

Tamil Nadu Students Right

तमिलनाडू दे उच्च शिक्षा मंत्री पी. विश्वनाथन होरें अज्ज राज्य सरकार दा राज्य च विद्यार्थिणं जा युवाएं दे वैध अधिकारें पर रोक लाने दा कोई इरादा नेई ऐ। विद्यार्थिणं गी दित्ते गेदे पैहले सर्कुलर पर काल नोटिस दे जवाब च मंत्री होरें आखेआ जे राज्य च अनुशासन, कनून ते बवस्था बनाई रखने दे सरबंधे च इक सर्कुलर जारी कीता गेआ ऐ। उनें आखेआ जे किश खामिणं गी दूर कीता गेआ ऐ ते सर्कुलर गी परतियै जारी कीता गेआ ऐ। सबनें सरकारी कालजें गी पैहले थमां गै जारी आर्डर गी वापस परताई लैता गेआ ऐ।

<><><><><><>

India-Singapore

भारत-सिंगापुर मंत्रिमंडलीय गोलमेज दा चौथा दौर अज्ज सिंगापुर च आयोजित कीता गेआ। इस बैठक च खजाना मंत्री निर्मला सीतारमण, विदेश मंत्री डा. एस जयशंकर, उद्योग मंत्री पीयूष गोयल ते वाणिज्य, उद्योग, इलेक्ट्रानिक्स ते आई.टी राज्यमंत्री जितिन प्रसाद होरें हिस्सा लैता।

<><><><><><>

Sitharaman-Singapore

खजाना मंत्री निर्मला सीतारमण होरें अज्ज सिंगापुर च उत्थुं दे प्रधानमंत्री लारेंस वाग हुं'दे कन्नै मलाटी कीती। बैठक च बदेश मंत्री डाक्टर एस. जयशंकर, उद्योग ते बपार मंत्री पीयूष गोयल ते सूचना टेक्नालोजी राज्यमंत्री जितिन प्रसाद बी मजूद हे। खजाना मंत्रालय नै सोशल मीडिया पोस्ट च दस्सेआ जे दौनें नेताएं व्यापक रणनीतिक सांझ-भ्याली दी रूप-रेखा दी अमल आवरी च होई दी प्रगति दी समीक्षा कीती ते आर्थिक सहयोग, डिजिटलीकरण, संपर्क, कौशल विकास ते स्थिरता सने बक्ख-बक्ख खेत्तरे च दपक्खी सहयोग गी होर मजबूत करने दे तरीकें पर चर्चा कीती। एह मंत्री भारत ते सिंगापुर बश्कार मंत्री सतह दे गोलमेज सम्मेलन दे चौथे दौर च हिस्सा लैने आस्तै सिंगापुर दी जात्तरा पर न।

<><><><><><>

Aadhar App Achievement

UIDAI दा आधार ऐप 5 करोड़ डाउनलोड दा आंकड़ा पारी करी गेआ ऐ। एह उपलब्धि लोकें बश्कार सुविधाजनक ते डिजिटल माध्यमें दी बधदी लोप्रियता गी दर्शादी ऐ। इलेक्ट्रानिक्स ते सूचना टेक्नोलॉजी मंत्रालय मूजब ऐप लांच दे बाद थमां एहदा इस्तेमाल लगातार होर मजबूत होआ करदा ऐ। मंत्रालय नै दस्सेआ जे 6 लक्ख थमां मते लोकें आधार ऐप दा इस्तेमाल करियै अपना मोबाइल नंबर अपडेट कीता, 15 लक्ख शा मते पते अपडेट कीते गे ते 23 लक्ख शा ते ई-मेल अपडेट कीते गे। एह ऐप आधार नंबर धारकें गी उं'दी आधार जानकारी दे इस्तेमाल पर मता नियंत्रण दिंदा ऐ ते कन्नै गै सुविधाजनक पंछान दी तस्दीक गी सक्षम बी बनांदा ऐ।

<><><><><><>

New-Vande Bharat

केंद्री मंत्री डाक्टर जीतेन्द्र सिंह होरें आखेआ ऐ जे रेलवे आसेआ बड़ी तौले गै जम्मू ते श्रीनगर बश्कार त्रीऽ वंदे भारत रेल शुरू कीती जाहग ते एह उधमपुर स्टेशन पर बी रूका करग। सोशल मीडिया मंच एक्स पर जारी इक स्नेह च डाक्टर सिंह होरें लिखेआ जे मकामी आबादी दी इक बड़ी मंग गी पूरा करदे होई रेल मंत्रालय नै त्रीऽ वंदे भारत एक्सप्रेस गी बत्तै च उधमपुर स्टेशन पर बी रोकने दी मंजूरी देई दिती ऐ। उं'नें आखेआ ऐ जे एह गैंऽ इस खित्ते दे लोकें दिएं आसें-तांगें प्रति प्रधानमंत्री नरेंद्र मोदी हुं'दे संवेदनशील नजरिये दी बचनबद्धता गी दर्शादी ऐ। डा. सिंह होरें इस सकारात्मक रौंऽ लेई रेल मंत्री अश्विनी वैश्वणव हुं'दा दिली आभार प्रगट कीता।

<><><><><><>

Shah Vande Mataram

गृह मंत्री अमित शाह होरें कांग्रेस कार्य समिति आसेआ वंदे मातरम दे पूरे छंद दे बजाय छडे 2 छंद गाने दे फैसले दी निंदेआ कीती ऐ। संवाददाता कन्नै गल्लबात च श्री शाह होरें आखेआ जे एह फैसला संसद आसेआ पास कनून दी सरेआम उल्लंघना ऐ राष्ट्र बरोधी ऐ। शाह होरें दावा बन्नेआ जे 1937 च कांग्रेस नै तुष्टिकरण दे नांऽ पर वंदे मातरम गी द'ऊं हिस्सें च तकसीम कीता हा। उं'नें आखेआ जे वंदे मातरम दी 150मीं ब'रेगंड पर केंद्र सरकार नै इस ऐतिहासिक गलती गी सुधारदे होई पूरे गीत गी कनूनी मान्यता दिती ऐ। शाह होरें आरोप लाया जे राहुल गांधी हुं'दे नेतृत्व च कांग्रेस इक बारी फही वोट बैंक दी सियासत लेई तुष्टिकीण दी बत्ता पर टुरा करदी ऐ।

<><><><><><>

Congress

तोआई, कांग्रेस सांसद के.सी वेणुगोपाल होरें आखेआ ऐ जे कांग्रेस पार्टी 1937 थमां यानि 90 बरें शा मते समें थमां वंदे भारत दा पाठ करा'रदी ऐ। नमीं दिल्ली च मीडिया कन्नै गल्ल करदे होई वेणुगोपाल होरें आखेआ जे एह कांग्रेस लेई भावनात्मक मुद्दा ऐ, जिसलै के बीजेपी आस्तै एह इक सियासी मामला ऐ।

<><><><><><>

Bangladesh-Prez. Poll

बांग्लादेश राष्ट्रवादी पार्टी दे दिग्गज नेता मिर्जा फखरूल इस्लाम आलम गीर होरें गी अज्ज मुख् दे 23में राष्ट्रपति चुने गो। 78 बरें दे इस नेता नै मुख् दी संसद जातिया संगसद च होए दे राष्ट्रपति चुनांव च 255 वोट हासल कीते। उनें सेना दे साबका अफसर ओली अहमद गी हराया जेडे सुदूर दक्खनी पंथी बांग्लादेश जमात एह इस्लामी दी अगुवाई च 11एं पार्टियों दे विपक्षी गठबंधन दे समर्थन आले मेदवार हे, जेड़ी देसा दी पैहली बड़ी विद्यार्थें दी अगुवाई आहली सियासी पार्टी नेशनल सीटीज ऐ जिनेंगी 88 वोट हासल होए।

<><><><><><>

Russia Attacks Ukraine

रूस नै युक्रेन दी राजधानी कीव पर रातीं पूरी राती मिसाइलें कन्नै हमला कीता जेदे च घटोघट्ट 6 लोकें दी मौत होई गेई ते होर 33 जनें जखमी होए। युक्रेन दी आपातकालीन सेवा नै आखेआ ऐ जे इनें हमलें कन्नै 3 जिलें च 12 थाहरें गी नशाना बनांदे होई रिहायशी घरें, इक मेडिकल सुविधा देने आले इदारे ते इक शैक्षिक संस्थान गी नुकसान पजाया ऐ। एह हमला उसलै कीता गेआ जिसलै रूस, कीव पर बैलिस्टिक मिसाइल हमलें गी तेज करा'रदा ऐ जेदे कन्नै युक्रेन समिति ब्हाई रक्षा क्षमता पर होर बी दबाव पैदा होई गेआ ऐ।

<><><><><><>

Train's-Speed

उत्तरी रेलवे दे जम्मू डिविजन नै श्री माता वैश्वो देवी कटड़ा-बनिहाल आहले 111 किलोमीटर लम्मे नमें Broad Gauge रेल सेक्शन पर रेल गड़ी दी रफ्तार 100 Kmph बदाने लेई मंजूरी देई दित्ती ऐ। एहदे थमां पैहले श्री माता वैश्वो देवी कटड़ा-संगलदान सेक्शन तगर स्पीड लिमिट 85 Kmph ही ते संगलदान थमां बनिहाल तगर स्पीड लिमिट 75 Kmph ही। इस फैसले गी लैने थमां पैहले सारे सुरक्षा सरबन्धी पैहलुएं गी यकीनी कीता गेआ ऐ। सीनियर डिविजनल कमर्शियल मैनेजर जम्मू उचित सिंघल होरें आखेआ ऐ जे रफ्तार दे बदने कन्नै जात्तरा दा समां नांs छड़ा घट्ट होग, सगुआं प्रदेश च राबता बेहतर होग।

<><><><><><>

LG-Kathua Visit

उपराज्यपाल मनोज सिन्हा होरें भारत-पाकिस्तान अंतरराष्ट्री बन्ने कश स्थित करूल कृष्णा ग्रांs दा दौरा लाया। अपने दौरे दुरान एल.जी होरें वाइब्रेट विलेज प्रोग्राम दे दुए गेड तैहत विकास कम्में दी शुरूआत करोआई। एह कम्म ताले गेदे 6 ग्राएं बोबिया, कडियाला, गजनाल, करूल कृष्ण, रथुआ ते गुज्जर चक च होना ऐ। उपराज्यपाल होरें आखेआ जे भारत दी विकास गाथा जिसलै लिखी जाहग उसदे च बन्ने आहले इलाकें च रौहने आहले लोकें बारै पैहला ध्याs होग। उनें आखेआ जे प्रधानमंत्री नरेंद्र मोदी हुं'दी अगुवाई च भारत दे बन्ने आहले ग्राएं दे विकास लेई लगातार जत्त कीते जा'रदे न। कार्यक्रम दुरान उपराज्यपाल होरें एस.पी.ओज गी नियुक्ति पत्र बी भेंट कीते।

<><><><><><>

BWF-Badminton

बैडमिंटन च भारत दी महिला युगल जोड़ी ट्रीसा जाली ते गायत्री गोपीचंद नै नमीं दिल्ली च BWF World Championship दे क्वार्टर फाइनल च अपनी थाहर पक्की करी लैती ऐ। भारती जोड़ी नै जबरदस्त प्रदर्शन करदे होई जपान दे 7में वरीयता प्राप्त रिन इवानागा ते की नकानिशी गी सिद्दे सैटें च पछाड़ी दित्ता।

<><><><><><>